



GIG
CYMRU
NHS
WALES

Iechyd Cyhoeddus
Cymru
Public Health
Wales

**Cofnodion Wedi'i Gadarnhau
o Gyfarfod y Pwyllgor Archwilio a Llywodraethu Corfforaethol
a gynhaliwyd ar 13 Hydref 2022 am 14:30 ar Microsoft Teams**

Yn Bresennol:		
Dyfed Edwards	(DE)	Cadeirydd y Pwyllgor a Chyfarwyddwr Anweithredol
Kate Young	(KY)	Cyfarwyddwr Anweithredol (gadawodd am 16:00)
Mohammed Mehmet	(MM)	Cyfarwyddwr Anweithredol a Chadeirydd y Pwyllgor Datblygu Sefydliadol a Phobl
Hefyd yn Bresennol:		
Robert Bailey	(RB)	Cynrychiolydd Undeb Llafur
Rhiannon Beaumont-Wood	(RBW)	Cyfarwyddwr Gweithredol Ansawdd, Nyrso a Gweithwyr Proffesiynol Perthynol i Iechyd
Iain Bell	(IB)	Cyfarwyddwr Cenedlaethol ar gyfer Gwybodaeth ac Ymchwil Iechyd Cyhoeddus
Liz Blayney	(LB)	Dirprwy Ysgrifennydd y Bwrdd a Rheolwr Llywodraethu'r Bwrdd
Helen Bushell	(HB)	Ysgrifennydd y Bwrdd a Phennaeth Uned Fusnes y Bwrdd (gadawodd am 16:00)
Tracey Cooper	(TC)	Prif Weithredwr
Paul Dalton	(PD)	Pennaeth Archwilio mewnol, Gwasanaethau Archwilio a Sicrwydd, Partneriaeth Cydwasanaethau GIG Cymru
Sian Davies	(SD)	Archwilio Cymru
Angela Fisher	(AF)	Dirprwy Gyfarwyddwr Cyllid
Huw George	(HG)	Dirprwy Brif Weithredwr, Cyfarwyddwr Gweithredol Gweithrediadau a Chyllid
Dafydd James	(DJ)	Pennaeth Profiad a Gwasanaethau Digidol, Gwybodeg
Lucy Jugessur	(LJ)	Rheolwr Archwilio Ariannol, Gwasanaethau Archwilio a Sicrwydd,

Iechyd Cyhoeddus Cymru	Y Pwyllgor Archwilio a Llywodraethu Corfforaethol Cofnodion Wedi'i Gadarnhau – 13 Hydref 2022
------------------------	--

		Partneriaeth Cydwasanaethau GIG Cymru:
Gareth Lavington	(GL)	Arweinydd Arbenigol Atal Twyll Lleol, Adran Atal Twyll (ar gyfer Eitem 4.4)
John Lawson	(JL)	Prif Swyddog Risgiau, Llywodraethu Risgiau a Gwybodaeth
Martyn Lewis	(ML)	Archwilydd, Gwasanaethau Archwilio a Sicrwydd
Jane Matthews	(JM)	Pennaeth Adroddiadau a Rheoli Ariannol, Cyllid
Matthew Taylor	(MT)	Cynrychiolydd y Staff
Stephanie Wilkins	(SW)	Cynrychiolydd y Staff
Verity Winn	(VW)	Archwilio Cymru
Ymddiheuriadau:		
Tracey Cooper	(TC)	Prif Weithredwr
Andrew Cottom	(AC)	Cynghorydd Annibynnol
Jan Williams	(JW)	Cadeirydd y Bwrdd
Ysgrifenyddiaeth		
Andrew Morton	(AM)	Swyddog Cymorth y Bwrdd
Dechreuodd y cyfarfod am 14:32		
ACGC 1/2022.10.13 Croeso ac Ymddiheuriadau am Absenoldeb		
Agorodd DE y cyfarfod a chroesawu pawb a oedd yn bresennol, gan estyn croeso cynnes i DJ i'w gyfarfod Pwyllgor cyntaf gyda'r Sefydliad.		
Nododd y Pwyllgor fod y cyfarfod yn cael ei recordio i gefnogi cywirdeb y cofnodion, ac y byddai'r recordiad yn cael ei ddileu ar ôl cytuno ar y cofnodion yn y cyfarfod dilynol ym mis Ionawr 2023.		
Nodwyd yr ymddiheuriadau am absenoldeb a ddaeth i law.		
ACGC 2/2022.10.13 Datgan Buddiannau		
Nid oedd unrhyw ddatganiadau o fuddiannau yn ychwanegol at y rhai sydd eisoes wedi'u cofnodi ar y Gofrestr Datganiadau o Fuddiannau.		
ACGC 3/2022.10.13 Sesiwn Graffu Fanwl ar Seiberddiogelwch		
Rhoddodd HG drosolwg o'r eitem, a chyflwyno Dafydd James (DJ) i'w gyfarfod Pwyllgor cyntaf.		
Ystyriodd y Pwyllgor ddiweddariad ar Seiberddiogelwch. Cafodd cynnwys y cyflwyniad a'r drafodaeth ddilynol ei hepgor o'r cofnodion a gadarnhawyd ac a gyhoeddwyd oherwydd natur gyfrinachol y pwnc.		
ACGC 4/2022.10.13 Cyllid a Chaffael		
ACGC 4.1/2022.10.13 Adroddiad ar Berfformiad Cyllid		

Dyddiad: 13 Hydref 2022	Fersiwn: Wedi'i Gadarnhau	Tudalen: 2
--------------------------------	----------------------------------	-------------------

Cyflwynodd HG Adroddiad ar Berfformiad Cyllid ar lafar, gan nodi bod y sefyllfa bresennol yn nodi gwarged bach a rhagwelir y bydd mewn sefyllfa o adennill costau ar ddiwedd y flwyddyn. Cwblhawyd adolygiad manwl gyda phob Cyfarwyddiaeth dros y ddeufis diwethaf er mwyn sicrhau bod y Sefydliad wedi cyflawni ei Gynllun Tymor Canolig Integredig ar gyfer 2022/2023.

Eglurodd HG sefyllfa bresennol GIG Cymru gyfan gan gynnwys cyfraniad y Sefydliad: nodwyd arbedion a chofnodwyd y rhain i Lywodraeth Cymru. Roedd yr adolygiadau o'r sefyllfa ariannol yn parhau ac yn cael eu cofnodi i'r Pwyllgor Archwilio a Llywodraethu Corfforaethol yn rheolaidd.

Nododd HG gais diweddar gan Gyfarwyddwyr Anweithredol i gael datganiad ar yr effaith y gallai'r cynnydd mewn prisiau ynni ei gael ar y Sefydliad, a chytunodd i gyflwyno hyn i'r Pwyllgor.

Camau gweithredu: HG/AF

Hysbyswyd y Pwyllgor fod DE wedi awgrymu yng nghyfarfod diwethaf Pwyllgor Cadeiryddion Archwilio Cymru Gyfan y Sector Iechyd, bod angen cynnal trafodaeth i asesu sut y byddai'r sefyllfa ariannol bresennol yn effeithio ar Sefydliadau partner, gan gynnwys Llywodraeth Leol a'r Trydydd Sector. Mae hyn yn cynnwys gallu partneriaid i gyflawni gwaith ar y cyd gydag Iechyd Cyhoeddus Cymru.

Diolchodd DE i HG am y diweddariad.

ACGC 4.2/2022.10.13	Adroddiad Caffael
----------------------------	--------------------------

Ystyriodd y Pwyllgor yr Adroddiad Caffael. Esboniodd JM fod yr adroddiad wedi'i gyflwyno ar fformat a oedd wedi'i addasu ar ôl cael adborth gan y Pwyllgor y llynedd: cofnodir ffigurau SQA a STA bellach ar ffurf canrannau er mwyn gallu cymharu'r cyfnodau brig a'r cyfnodau gwael yn haws.

Gofynnodd y Pwyllgor i JM egluro'r rhesymau dros gymeradwyo rhai o eitemau STA yn ôl-weithredol. Awgrymodd JM fod angen darparu hyfforddiant er mwyn ceisio lleihau'r defnydd o daliadau SQA. Cytunodd JM i gysylltu â'r tîm Caffael ac i adrodd yn ôl ar y mater hwn yng nghyfarfod nesaf y Pwyllgor.

Camau gweithredu: JM

Ystyriodd y Pwyllgor yr argymhellion a gynhwysir yn yr adroddiad a chafodd **sicrwydd** bod y gweithgareddau caffael a gynhaliwyd yn unol â gofynion y Rheolau Ariannol Sefydlog

ACGC 4.3/2022.10.13	Colledion a Thaliadau Arbennig
----------------------------	---------------------------------------

Ystyriodd y Pwyllgor yr Adroddiad Colledion a Thaliadau Arbennig. Tynnodd JM sylw at y taliad yn ymwneud ag Otoport (cyfarpar sgrinio babanod newydd-anedig); aeth y cyfarpar ar goll yn ystod mis Awst gan gostio oddeutu £3,000. Hysbyswyd yr Heddlu a chafwyd rhif trosedd, a chadarnhaodd y Maes

Gwasanaeth fod gweithdrefnau monitro cyfarpar wedi'u cryfhau a bod archwiliadau rheolaidd yn cael eu cynnal.

Gofynnodd y Pwyllgor am eglurhad o'r symiau a dalwyd ar gyfer esgeuluster clinigol. Dywedwyd wrth y Pwyllgor fod y cyfanswm yn yr adroddiad yn uwch na nifer yr achosion arferol, ond bod gwerth y rhain yn parhau i fod ar y lefel arferol yn unigol.

Gofynnodd y Pwyllgor am eglurhad o'r term 'taliad ofer' (*fruitless payment*). Esboniodd JM mai'r diffiniad o hyn oedd taliad a wnaed pan na dderbynnir y gwasanaeth arfaethedig, er enghraifft methiant i gyflawni'r gwaith ar ôl llofnodi contract.

Roedd y Pwyllgor yn **sicr** bod yr holl golledion a thaliadau arbennig wedi cael eu gwneud yn unol â gofynion y Rheolau Ariannol Sefydlog.

ACGC 4.4/2022.10.13	Atal Twyll
----------------------------	-------------------

Ystyriodd y Pwyllgor yr adroddiadau Atal Twyll canlynol:

- Adroddiad Blynnyddol Iechyd Cyhoeddus Cymru ar Atal Twyll 2021-22;
- Cynllun Blynnyddol Iechyd Cyhoeddus Cymru ar Atal Twyll 2022-23;
 - Adroddiad Cynnydd Atal Twyll Cyfnod 1 2022-23.

Croesawodd DE GL i'w gyfarfod Pwyllgor cyntaf. Cyflwynodd GL yr Adroddiad Blynnyddol ar gyfer 2021/22 gan nodi ei sgôr, sef oren a gwyrdd. Nid oedd unrhyw ymchwiliadau cyfredol ar hyn o bryd yn ymwneud â gweithgarwch ariannol troseddol na thwyllodrus yn Iechyd Cyhoeddus Cymru.

Trafododd y Pwyllgor

- Y posteri Atal Twyll sy'n codi ymwybyddiaeth ymysg y staff, ac awgrymodd y Pwyllgor y dylid cynhyrchu'r posteri'n ddwyieithog.
- Cost-effeithiolrwydd y gwasanaeth Atal Twyll, ac esboniodd GL mai cyfrifoldeb a rôl ei dîm oedd codi ymwybyddiaeth o'r gwasanaeth cofnodi er mwyn annog y broses gofnodi.
- Rhoddodd GL wybod i'r Pwyllgor eu bod wedi cysylltu â'r Awdurdod Atal Twyll yn ddiweddar a awgrymodd ddull asesu sy'n seiliedig ar risg, er mwyn symud tuag at fesurau ataliol a'r tarfu cysylltiedig sy'n ymwneud â gweithgarwch twyllodrus.

Awgrymodd y Pwyllgor y dylid cynnal trafodaethau pellach ar gost-effeithiolrwydd a meithrin dull sy'n seiliedig ar risg y gwasanaeth Atal Twyll a chynnwys hynny mewn cyfarfod yn y dyfodol.

Camau gweithredu: HG

Rhoddodd yr Adroddiad Blynnyddol ar Atal Twyll, Cynllun Blynnyddol Atal Twyll a'r Adroddiad Cynnydd Atal Twyll **sicrwydd** i'r Pwyllgor.

ACGC 5/2022.10.13	Rheoli Risgiau
--------------------------	-----------------------

Iechyd Cyhoeddus Cymru		Y Pwyllgor Archwilio a Llywodraethu Corfforaethol Cofnodion Wedi'i Gadarnhau – 13 Hydref 2022	
ACGC 5.1/2022.10.13		Cofrestrau Risgiau Strategol a Chorfforaethol	
Cyflwynodd RBW yr eitem, ac esbonio mai'r Pwyllgor Archwilio a Llywodraethu Corfforaethol yw'r Pwyllgor trosfwaol i gael sicrwydd ynghylch rheoli'r system risgiau gyffredinol yn effeithiol, a bydd risgiau penodol dilynol yn cael eu dirprwyo i Bwyllgorau eraill y Bwrdd i'w harchwilio'n fwy manwl. Trafododd y Pwyllgor barodrwydd yr Ymchwiliad Cyhoeddus a p'hun a ddylid cynnwys hyn yn y Gofrestr Risgiau Strategol. Aeth y Pwyllgor ati i: • Ystyried y cofnodion yn y Gofrestr Risgiau Strategol a Chorfforaethol sy'n berthnasol i gylch gwaith y Pwyllgor • Cael sicrwydd bod risgiau Strategol a Chorfforaethol y sefydliad yn cael eu rheoli'n briodol			
ACGC 5.2/2022.10.13		Diweddariad i'r Cynllun Datblygu Rheoli Risgiau	
Ystyriodd y Pwyllgor y Diweddariad i'r Cynllun Datblygu Risgiau a'r cynnydd a wneir wrth gyflawni'r cynllun. Cyflawnwyd yr amcanion lefel uchel ac eithrio un, sydd wedi'i oedi oherwydd oedi i'r broses o gyflwyno'r Modiwl Risgiau Cwmwl Datix. Cafodd y Pwyllgor sicrwydd fod y broses o gyflawni'r Cynllun Datblygu Rheoli Risgiau yn gwneud cynnydd ac ar y trywydd cywir o fewn y terfyn amser disgwylidig.			
ACGC 5.3/2022.10.13		Protocol ar gyfer Risgiau	
Ystyriodd y Pwyllgor y drafft o'r Protocol ar gyfer Risgiau. Esboniodd RBW mai pwrpas y ddogfen hon yw egluro rôl y Pwyllgor, y Pwyllgorau eraill a'r Tîm Gweithredol Busnes i'r rheolwyr ac i roi sicrwydd o ran risg. Cymeradwyodd y Pwyllgor y Protocol ar gyfer Risgiau.			
ACGC 6/2022.10.13		Llywodraethu Gwybodaeth	
ACGC 6.1/2022.10.13		Adroddiad Perfformiad Chwarterol Llywodraethu Gwybodaeth (Chwarter 4, a Chwarter 1)	
Ystyriodd y Pwyllgor yr Adroddiad Perfformiad Llywodraethu Gwybodaeth ar gyfer Chwarter 4 2021-2022, a Chwarter 1 2022-2023. Esboniodd JL fod y gwaith rhagweithiol yn parhau er mwyn ymateb i geisiadau Rhyddid Gwybodaeth, a dywedodd eto fod ceisiadau uniongyrchol y tîm i gael gwybodaeth eisoes ar gael. Rhoddodd Adroddiadau Perfformiad Llywodraethu Gwybodaeth sicrwydd i'r Pwyllgor.			
Dyddiad: 13 Hydref 2022		Fersiwn: Wedi'i Gadarnhau	
		Tudalen: 5	

ACGC 6.2/2022.10.13	Dysgu o Achosion o Dor Diogelwch Data
Ystyriodd y Pwyllgor yr adroddiad sy'n amlinellu sicrwydd y cynnydd drwy Ddysgu o Achosion o Dor Diogelwch Data yn sgil tor diogelwch data a ddigwyddodd ym mis Hydref 2022: Rhoddodd RBW grynodedb o'r adroddiad: • Llwyddodd y Sefydliad i feithrin dull strategol o leihau nifer yr achosion o dor diogelwch data. • Dyluniwyd systemau sy'n lleihau'r risg, ac mae mwy o ryngweithredu rhwng systemau yn lleihau'r gwaith cofnodi â llaw, sef un achos posibl a gofnodwyd o dor diogelwch data. • Daeth yr Awdurdod Dylunio Busnes sydd newydd ei sefydlu yn rhan o'r broses yn gynnar gan ddefnyddio dulliau diogelwch manylach ar ôl derbyn cyngor diogelwch proffesiynol. Trafododd y Pwyllgor achosion o dor diogelwch data ym maes rheoli Contractau, defnyddio dull o reoli dogfennau e-bost a rheoli cofnodion. Roedd y Pwyllgor yn pryderu ynghylch yr amser mae'n ei gymryd i ddod i gasgliad ynghylch rhai o'r achosion o dor diogelwch data. Esboniwyd i RBW fod yr ymchwiliad yn cael ei gynnal gan ddilyn proses y cytunwyd arni a bod pob achos o dor diogelwch data yn cael sylw cyn gynted â phosibl. Cafodd y Pwyllgor sicrwydd fod gwersi thematig yn sgil achosion o dor diogelwch data wedi'u canfod a bod camau gweithredu yn cael eu cymryd i atgyfnerthu'r systemau a'r prosesau ymhellach.	
ACGC 7/2022.10.13	Llywodraethu ac Atebolrwydd
ACGC 7.1/2022.10.13	Datgan Buddiannau – Diweddariad Chwemisol
Ystyriodd y Pwyllgor y diweddariad chwe-misol ar Ddatgan Buddiannau. Aeth y Pwyllgor ati i: • Sicrhau bod y broses o gyflawni'r Polisi Datgan Buddiannau, Rhoddion, Lletygarwch a Nawdd a'r Gweithdrefnau Datgan Buddiannau, Rhoddion, Lletygarwch a Nawdd ar waith. • Nodi y byddai Cofrestr y Bwrdd a'r Pwyllgor yn cael ei chyhoeddi ar y wefan yn dilyn adolygiad gan y Pwyllgor Archwilio a Llywodraethu Corfforaethol.	
ACGC 7.2/2022.10.13	Cylchlythyrau Iechyd Cymru
Ystyriodd y Pwyllgor y diweddariad chwe-misol ar Gylchlythyrau Iechyd Cymru, gan ddarparu diweddariad ar gydymffurfiaeth y sefydliad â Chylchlythyrau Iechyd Cymru yn unol â'r broses y cytunwyd arni. Cafodd y Pwyllgor sicrwydd fod proses gofnodi a monitro'r Sefydliad yn cydymffurfio â Chylchlythyrau Iechyd Cymru.	

Iechyd Cyhoeddus Cymru	Y Pwyllgor Archwilio a Llywodraethu Corfforaethol Cofnodion Wedi'i Gadarnhau – 13 Hydref 2022
ACGC 7.3/2022.10.13	Crynodeb o'r Diweddariad Chwemisol ar Bolisiau
Ystyriodd y Pwyllgor y crynodeb o'r diweddariad chwemisol ar statws pob polisi o fewn cylch gwaith y Pwyllgor. Cafodd y Pwyllgor sicrwydd fod y blaenoriaethau a'r cynnydd a wneir i adolygu polisiau, gweithdrefnau a dogfennau rheoli ysgrifenedig eraill Corfforaethol o fewn cylch gwaith y Pwyllgor	
ACGC 7.4/2022.10.13	Cofnodion (5 Mai 2022 a 14 Mehefin 2022), Cofnod o Gamau Gweithredu a materion sy'n codi
Derbyniodd y Pwyllgor gofnodion y cyfarfodydd a gynhaliwyd ar 5 Mai 2022 a 14 Mehefin 2022. Cymeradwywyd cofnodion y cyfarfod a gynhaliwyd ar 5 Mai 2022 ac 14 Mehefin 2020 fel cofnod gwir a chywir. Cymeradwyodd y Pwyllgor y penderfyniad i gau tri o'r camau gweithredu ar y Cofnod o Gamau Gweithredu.	
ACGC 8/2022.10.13	Archwilio Mewnol, Allanol a Chlinigol
ACGC 8.1/2022.10.13	Adroddiad Cynnydd Archwilio Allanol ac Adroddiad Terfynol Archwilio Allanol
Ystyriodd y Pwyllgor y diweddariad gan Archwilio Cymru. Dywedodd VW wrth y Pwyllgor y byddai'r Asesiad Strwythuredig yn cael ei gyflwyno i'r Pwyllgor ym mis Ionawr 2023. Nododd y Pwyllgor y diweddariad.	
ACGC 8.2/2022.10.13	Diweddariad ar Gynnydd Archwilio Mewnol ac Adroddiadau Archwilio Mewnol
Ystyriodd y Pwyllgor y diweddariad i'r adroddiad Archwilio Mewnol, gan gynnwys yr adroddiadau Archwilio Mewnol terfynol canlynol: • Timau Iechyd Cyhoeddus Lleol (Sicrwydd Sylweddol) • Y Gyfarwydddeb Rhwydweithiau a Gwybodaeth (Seiberddiogelwch) (Sicrwydd Sylweddol) • Pecyn Cymorth Llywodraethu Gwybodaeth (Sicrwydd Rhesymol) • Rheoli Risgiau (Sicrwydd Rhesymol) • Gweithlu – Monitro salwch (Sicrwydd Rhesymol) Holodd y Pwyllgor am y ffyrdd y caiff yr adroddiadau eu cofnodi pan fyddant o dan gylch gwaith Pwyllgor arall. Atgoffodd DE y Pwyllgor fod yr argymhellion am gael eu hychwanegu i'r Archwiliad Tracio, a'u cyfeirio i'r Pwyllgor perthnasol i'w hystyried.	

Ystyriodd y Pwyllgor adroddiad diweddaru Archwilio Mewnol a **derbyn** yr adroddiadau Archwilio Mewnol terfynol.

ACGC 8.3/2022.10.13	Cofnod o Gamau Gweithredu Archwilio (Archwilio Allanol a Mewnol)
----------------------------	---

Ystyriodd y Pwyllgor y Cofnod o Gamau Gweithredu Archwilio. Eglurodd LB fod y diweddariad yn crynhoi'r cynnydd o ran Camau Gweithredu Archwilio ers y cyfarfod diwethaf. Atgoffodd LB y Pwyllgor am y Protocol Archwilio a gymeradwywyd yng nghyfarfod diwethaf y Pwyllgor, sy'n diwygio rôl y Pwyllgor Archwilio a Llywodraethu Corfforaethol i fod yn un sy'n sicrhau bod y broses o gyflawni'r camau gweithredu yn cael ei datblygu, drwy reoli'r camau gweithredu ar lefel y Tîm Swyddogion Busnes.

Aeth y Pwyllgor ati i:

- **Ystyried** cynnydd y diweddariadau a'r diwygiadau arfaethedig i'r Cofnod o Gamau Gweithredu Archwilio, a **chafodd sicrwydd** ynghylch y cynnydd a wneir i gyflawni camau gweithredu y gweithgareddau Archwilio.
- **Nodi'r** gwelliannau a chwblhau camau gweithredu'r Cofnod, a gymeradwywyd gan y Tîm Swyddogion Busnes.

ACGC 9/2022.10.13	Er Gwybodaeth ac i'w Nodi
--------------------------	----------------------------------

ACGC 9.1/2022.10.13	Cyllid, Caffael ac Atal Twyll
----------------------------	--------------------------------------

Dim.

ACGC 9.2/2022.10.13	Archwilio Mewnol, Allanol a Chlinigol
----------------------------	--

Nododd y Pwyllgor Gynllun Archwilio Ansawdd a Chlinigol Blynnyddol 2021/22 a'r Adroddiad Llywodraethu Ansawdd (Archwilio Cymru) a gyhoeddwyd ym mis Awst 2022.

ACGC 9.3/2022.10.13	Rheoli Risgiau
----------------------------	-----------------------

Dim

ACGC 9.4/2022.10.13	Llywodraethu ac Atebolrwydd
----------------------------	------------------------------------

Dim

ACGC 9.5/2022.10.13	Cynllun Gwaith y Pwyllgor
----------------------------	----------------------------------

Nododd y Pwyllgor Gynllun Gwaith y Pwyllgor ar gyfer 2022/23.

ACGC 10/2022.9.506.14	Materion Gweinyddol i Gloi
------------------------------	-----------------------------------

Bwriedir cynnal y cyfarfod nesaf 19 Ionawr 2023

Cyhoeddi Papurau – bwriedir cyhoeddi'r holl bapurau ac eithrio'r canlynol:

- Adroddiad ar Golledion a Thaliadau Arbennig
- Adroddiad Caffael
- Adroddiad Seiberddiogelwch gan gynnwys yr adroddiad risg ar seiberddiogelwch
- Achosion o dor diogelwch data – i'w gadarnhau ar ôl y cyfarfod.

Adborth gan y Pwyllgor

Rhoddodd aelodau'r Pwyllgor yr adborth canlynol:

- Roedd yr agenda'n rhy hir ac yn cynnwys nifer o eitemau swmpus megis yr eitemau ar Achosion o Dor Diogelwch Data a'r Sesiwn Graffu Fanwl ar Seiberddiogelwch.
- Awgrymwyd y dylid gwneud mwy o ddefnydd o eitemau er gwybodaeth
- Awgrymwyd y dylid cylchredeg mwy o ddogfennau y tu allan i'r cyfarfodydd.

Daeth y Cyfarfod i ben am 16:50

Wedi'i Gadarnhau